



Aningaasaqarnermut Naalakkersuisoqarfik
-/ Maani

2015-imut Aningaasanut Inatsisissatut Siunnersuummut Aningaasaqarnermut Ataatsimiititaliap apeqqutaanut Aatsitassanut Naalakkersuisup akissutaa.

Ulloq: 25-03-2015
Sulap nr.
Dok. Nr.

2015-imut Aningaasanut Inatsisissatut Siunnersuummut Aningaasaqarnermut Ataatsimiititaliap aallarniutigalugu apeqqutaanut oqaaseqaataanullu Aatsitassanut Naalakkersuisup akissutai matumuuna nassiunneqarput.

Postboks 1601
3900 Nuuk
Oqarasuaat (+299) 34 50 00
Fax (+299) 34 63 64
E-mail: isiin@nanoq.gl
www.nanoq.gl

2.7 Kontomut pingaarnermut 67.01.03-imut Geologi aamma nittarsaassinnermut suliniutit

Kantomut pingaarnermut matumunnga oqaasertaliussaq nr. 2-mut nas-suiaamma allassimavoq; Missingersuusiornermi inatsisip "ataatsimut periutsit" takujuk § 4, imm. 3 kontomut pingaarnermut matumunnga tunngatillugu avaqqunneqarsinnaapput. Aningaasat qanoq amerlatigisut missingersuusiornermut inatsimmi aalajangersakkami taaneqartumi naatsorsuutigisanit allaa-nerusumik taamatut atorineqartarpat?

Akissut: Aningaasaqarnermut Ataatsimiititaliap 2012-imi AIS 2013-imut atatil-lugu apeqqutigineqartup 11,9-d-e-p Naalakkersuisunit akineqarnera innersuus-sutigineqassaaq. Qupperneq 36-imi apeqqutigineqartumut 11.9-mut isertitanut tabeli maanna 2012-2014-imut naatsorsuutininut kisitsitalerlugu ataani nutarter-neqarluni takutinneqarpoq:

(1.000 kr. -
inngorlugit)

	2007	2008	2009	2010	2011	2012	2013	2014	Katillu- tik
Isertitat	-4.055	-9.267	-5.067	-14.602	-7.800	-3.819	-1.209	-733	-46.552

Nassuiaafit: 2007-2012-imut kisitsisit konto pingameq 66.01.02-imut attuunassuteqarput. 2013-2014-imut tunngatillugu isertitarineqartut konto pingameq 64.01.06-mi takuneqarsinnaapput.

Ilanngullugu nalunaarutigineqarsinnaavoq konto pingameq manna aqqutigalugu 2011-ip kingorna sajuppillatsitsilluni misissuineranut aningaasaleqaa-taasoqarsimanngimmat, taamaammallu aamma ukiuni aggersuni isertitat ap-paraarnissaat naatsorsuutigisariaqarluni.

3.6. Immikkoortoq 3, Aningaasaqarnikkut inissisimaneq, qupp. 91

- a) *Qupp. 91-ip qeqqani oqaaseqatigiinni kingullermi allassimavoq 2008-2014-imi aningaasaqarnermi kisitsisinut pingaarnernut takussutissiami kisitsisit takutikkaat suliffissaalegisut ukiumut agguaqatigiissillugit 2010-mit 2014-imut inunnik 1.000-it missaannik amerlisimasut. Taamatulli oqarneq takussutissiami siuliani allassimasumut akerli-
usorinarpoq, tassani erseqqinnerusumik allassimalluni qaffariaat uki-
umut ataasiakkaanut atuunnani piffissamut tamarmut atuuttoq?*

Quppernermi 91-imi Naalackersuisut allapput:

*”Ukiunut tulliuttunut aningaasartuutissani uuliasiortoqarnissaa aatsitassanil-
luunniit paaaso-qalivinnissaa apeqqutaasorujussuuvoq. Aatsitassarsiornermut
tunngasuni ingerlatat siuariartoqqilernissamut suliffissaqartitsinerulernissamu-
llu tunngavissiviusinnaapput taakkuli iluatsinngippata aningaasaqarnikkut in-
gerlatat appaqqeratarsinnaapput.”*

*Aatsitassarsiornermi uuliasiornerit ingerlatallu qanoq annertussuseqarnis-
saannik naatsor-suutiginninnerit imalluunniit tamakku ingerlanneqannginnis-
saannik naatsorsuutiginninnerit pillugit Naalackersuisut erseqqinnerusumik
saqqummiisinnaappat?*

*Akissut: Naalackersuisunit nalunaarutigineqarsinnaavoq 2015-imi avataani qil-
lerilluni misissuisoqassanngimmat. Ukiuni aggersuni qillerilluni misis-
suisoqarniarpat pissutsit amerlaqisut apeqqutaasussaassapput, tamatumanilu
siunissami uulinut akigitinneqartoq kisimi Naalackersuisut sunnuteqarfigin-
naanngisaat uuttuutitut ilaaginnarpoq. Taamaammatt Naalackersuisunut na-
lorninarporujussuuvoq uuliasiornerup tungaatigut siunissami qanoq sam-
misaqartoqartiginnaanut erseqqissumik oqaatigissallugu.*

*13. Suliassaqaarfik 66 – 67 Aningaasaqarnermut Aatsitassanullu Naalak-
kersuisoq*

*13.1 Konto pingaarneq 66.01.01 Aatsitassanik Agutsisoqaarfik, allaffissorneq
Suliassami kisitsisit annertunerusumik allannguuteqarnissaat naatsorsuuti-
neqanngitsoq ataatsimiititaliap takusinnaavaa. Tamanna Naalackersuisut isu-
malluarnerannut – imaluunniit siusinnerusumut sanilliullugu piviusorsiorneru-
nermut takussutissaava?*

*Akissut: Naalackersuisut aallaaviusumut apeqqummut tunngaviliunneqartumut
isumaqataanngillat. Suliassanut kisitsisit aatsitassarsiornermut uuliasiornernullu
taaqinneqartut qiviraanni suliassani kisitsit ataaseq 2014-imiit 2015-imut
kisimi qaffaiarfiusimavoq. Tassalu annikinnerusunut akuersissutit amerlas-
susaat. 3-mi suliassanut kisitsisit allanngunngillat, 11-mulli suliassanut kisitsisit
appararlutik. 2014-imi naatsorsuutigisatut sammisaqartoqarnissaanut sanil-*

liullugu massakktut 2015-imi sammisassat ikileriarnissaannik naatsorsuuteqartoqtoq Naalakkersuisut tamanna paasisinnaavaat.

Qanorluunniit pisoqassagaluarpat suliassanut naatsorsuutigisatut kisitsisit missingiinermit aallaaveqartussaapput, tassami ataatsitassarsiernerup iluani ukioq ataaseq qaangiuppat siunissamiluunniit nunatsinni, nunaniluunniit allani qanoq pisoqarumaarnersoq Naalakkersuisut siumut oqaatigereersinnaaneq ajormassuk. Soorlu konto pingaarnermi matumani missingersuutit immikkoortiterneranni takuneqarsinnaasoq 2015-imi naatsorsuutigisatut isertitassat 2015-imi malunartumik apparisarsimapput.

13.2 Konto pingaarneq 66.01.03 Aatsitassanik Aqutsisoqarfik – Isertitatigut matussusikkanik suliat

- a) *Suliassami kisitsisit ataanni aningaasartuutit isertitallu taaneqartut nassuiaatigineqarnissaat Aningaasaqarnermut Ataatsimiititaliamit kissaatigineqarpoq. AIS 2014-ip oqaluuserineqarnerani Naalakkersuisut paasissutissiipput periuseq malillugu aqutsinissamut sunniuteqarnissamulluunniit sunnguamilluunniit periarfissaqanngitsoq. Taamaatumik paasissutissat pisoqqat tunngavigalugit taakku nassuiaateqarfigineqarnissaat ataatsimiititaliamit ujartorneqarpoq, tamanna ilaatigut pisinnaavoq uppersaatinut allanut innersuussuteqarnikkut, tassani erseqqissumik allassimassallutik aningaasartuutit akilernerqarsimasut isertitallu.*

Akissut: Aallarniutigalugu nalunaarutigineqassaaq apeqqutigineqartoq Aningaasaqarnermut Ataatsimiititaliap konto pingaarneq 66.01.05 Pisortatigoortumik suliarinninnerit isertitatigut matussusikkat-mut apeqqutigisaanut tunngammat, massakkullu kontumut pingaarnermut tunngassuteqarnani. Soorlu AIS2014-imut tunngatillugu akissummi takuneqarsinnaasoq Namminersorlutik Oqartussat aatsitassarsiernermut oqartussaaffimmik 1. januar 2010-mili tigusimmata isertanik naatsorsuusiortoqarsimanngilaq. 2013-imi aningaasartuutit 1.033.808,40 kr.-nit naatsorsuusiorneqarput, taakkulu aamma missingersuutinut ilanngussani "Suliassami kisitsissatut naatsorsuutigisat"-mi takuneqarsinnaapput. London Mining-imut atuinissamut akuersissut pillugu isumaqatiginniniarnernut atatillugu inatsisilerituumik ikiorteqarnissamut pisinermi aningaasartuutit attumassuteqarput. 2014.imi aningaasartuutit 6.000 kr.-nit nalunaarneqarput, kisiannili 2014-imut suliassanut kisitsisit kisitsisinit AI2014-imi taaneqartunut sanilliullugit allanngortinneqarsinnaanngimmata 2014-ip naalernerani kinguartitsinernut kisitsisit ilumoo-rtut 3.154.000 kr.-iussapput .'

b) *Atuisut akiliuteqartinneqarneranni inatsisitigut tunngavissaq danskit inatsimmut nalunaarutaanni nr. 368, 18. juni 1998-imeersumi nassaas-
saasoq innersuussutigineqarmat eqqorpa – tassami suliassaqarfik nuna-
tsinnit tiguneqareermat nunarpullu aatsitassanut nammineq
inatsiseqarmat?*

Akissut: Aap, tamanna ilumoorpoq. Nalunaarut suli atuuppot.

Aatsitassanut inatsimmi § 98, imm. 5-imi allassimavoq:

*"Imm. 5. Aatsitassanik ingerlataqarnernut maleruaqqusat ulloq 1. ja-
nuar 2010 atuuttut kiisalu akuersissuteqarnissanut qinnuteqariaatsit as-
sigiissaartumillu piumasagaatit, inatsisartullu inatsisaat manna malil-
lugu ingerlatsinermut oqartussat pillugit allannguutaasut ilanngullugit
atuutiinnassapput, inatsisartut inatsisaata matuma maleruaqqusai ma-
lillugit atorunnaarsinneqarnissaasa tungaannut imaluunniit maleruaga-
ssanik nutaanik taarserneqarnissaasa tungaannut.."*

*Tamatuma saniatigut 2013-imi Aningaasanut Ataatsimiititaliamut akis-
sutigineqartoq innersuussutigineqassaaq, taannalu ataani takuteqqin-
neqarpoq.*

*"Imm. 2.-mi 3.-milu missingersuutinut ilanngussani erserpoq 2010-mit
kontomut pingaarnermut isertitat nalunaarsorneqartarunnaarsimasut,
taakku aatsitassaqaarnerup tigueneratigut 1. januar 2010 aallarnerfiga-
lugu kontomut pingaarnermut 66.01.05 Pisortatigoortumik sularinnin-
nerit isertitatigut matussusikkanut nalunaarsorneqartalermeta.*

*Allagaq aallarniutaasoq sapinngisamik tigungmiinnarneqarpoq,
taamaaliornermi suut tunngavigalugit taakku akilerneqarnissaat pivi-
usunngortinnerilu nassuiarneqassammata.*

*Naalakkersuisut taamaammatt isertitaqartoqarnissaa naatsor-
suutiginnilaat, sularianit kisitsisit aamma tamanna erserpoq."*

13.3 Konto pingaarneq 66.01.05 Pisortatigoortumik sularinninnerit isertita- tigut matussusikkat

*Suliassami kisitsisit ataanni aningaasartuutit isertitallu taaneqartut nassui-
aatigineqarnissaat Aningaasaqaarnermut Ataatsimiititaliamit kissaatigi-
neqarpoq.*

Akissut: Aallarniutigalugu konto pingaarnermi isertitat aningaasartuutillu as-
sigiinningsut tullerriaarlugit takutinneqarput.

Isertitat:

Akuersissutininik qinnuteqarnermut, nalunaaruteqarnermut, tunniussinermut imalunniit sivitsuinermut atatillugu aatsitassarsiorderup iluani akiliuteqartoqartarpoq Aatsitassanut Aqutsisoqarfiup akigitinneqartunut allattuiffia naapertorlugu. Akigitinneqartunut allattuiffik, aatsitassarsiorderup iluani ujarlernissamut ukiumoortumik pisussaaffinnik oqaluttuortoq, uani nassaarineqarsinnaavoq:
http://www.govmin.gl/images/stories/minerals/exchange_rate_and_fees/gebyr-2015-eng.pdf

Aatsitassanut oqartussaasut aatsitassarsiorderup iluani misissueqqaarnissanut ujarlernissanullu akuersissutinut nalinginnaasunut aningaasartuutininik akiliutigineqartartunik akilerneqareersunik qaangiisunik uterteqquisinnaanngillat, tassa massakkut akuersissutininik tunniussisarnermi piumasagaatit tamakkuninnga akersinngimmata.

Aatsitassarsiorderit iluanni isertitat ingerlatseqatigiiffinniit atuinissamut akuersissutininik qinnuteqamissamik aallartitsisuniit isertitat aamma pineqarput. Taamatut killiffimmi Aatsitassanut Oqartussaasut sulisussanik piffissamillu anertuumik atuiffiusarmat, soorluttaarlu siunnersortininik avataaneersunik pisariqartitsisoqarsinnaasarmat, aningaasartuutit tamakku utertinneqarnissaat qinnutigineqarsinnaasarpoq. Taamatuttaaq oqartussaasut suliarinninnerannut aningaasartuutit ingerlatseqatigiiffinniit atuinissamut akuersissummik tunineqarsimasuniit utertinneqarnissaat tamatigut piumasarineqarsinnaavoq.

Kiisalu aatsitassarsiorderup tungaatigut "ujarlernermit pisussaaffiit naammassinneqanngitsut" aqqutigalugit isertitaqartoqarsinnaavoq. Ingerlatseqatigiiffik ukiumoortumik ujarlernermit pisussaaffiusunik naammassinnissimanngippat pisussaaffigisaat naapertorlugit ingerlatseqatigiiffiup ujarlerfiginngitsoorsimasaanut 50 %-imik naapertuuttumut akiligassanik nassiussisoqarsinnaavoq.

Uuliasiornerup iluani misissueqqaarnernut akigititanut allassimaffik uani nassaarineqarsinnaavoq:

<http://www.govmin.gl/petroleum/prospecting-licence>

Misissueqqaarnissanut akuersissutinut akiliutigineqartut akilerneqareersut atorneqareerpata oqartussaasut suliarinninnerannut aningaasartuutaasut allat tamatigut utertinniarneqarsinnaapput.

Uuliasiornerup iluani siusinnerusukkut ujarlernissamut atuinissamullu akuersissutinut pioreersunut qinneqarnermi akiliutit amerlanertigut 25.000 kr.-iupput, nalunaaruteqarnermullu akiliutigineqartartut 100.000 kr.-iullutik. Uulianut akuersissutit pioreersut marlunnut avinneqarsinnaapput. Akuersissutit ilaannut ukiumoortumik nunaminertanik atuinermut akitsuummik akuersissutip anner-

tussussaa apeqqutaalluni akiliisoqartarpoq, aningaasartuutillu oqartussaasut suliarinninnerannut atorneqartussaapput. Oqartussaasut suliarinninnerannut aningaasartuutit tamarmik ingerlaavartumik utertinniarneqarsinnaanerak akuersissutitut tamanut atuuppoq.

Uuliasiornissamut akuersissutitut nutaanut tunniunneqartussanullu tunngatillugu akiliutigineqartussat qaaqquusissummi, suliariumannittussarsiuussinernullu ataasiakkaanut periusissatut akuersissutit nassaarineqarsinnaapput. Suliariumannittussarsiuussinissat qinneqarnissamullu atortussat il.il. linkimi ataaniitumi nassaarineqarsinnaapput. Amerlanertigut qinnuteqarnermut akiliutigineqartussat 50.000 kr.-iussapput, nalunaaruteqarnissamullu akiliutigineqartussat 200.000 kr.-iussallutik.

<http://www.govmin.gl/petroleum/exploration-a-exploitation>

Isertitassat konto pingaarnermi matumani nalunaarneqartut isertitanit qulaani taaneqartunit katitigaapput.

Nalunaarutigineqarsinnaavoq akilutigineqartunit assigiinngitsunit, Aatsitassanut Oqartussaasut sulianik suliarinninnerat aqutigalugu piffissamik atuineranni aningaasartuutit utertitsinermi aamma siunnersortit avataaneersunik ikiorteqarnermit kiisalu "ujarlernissamut pisussaaffit naammassineqanngitsut"-nit isertitat 2013-imi 17.288.000 kr.-iusimammata. Aningaasat aningaasaliisutaasut "Akiliutit, akitsuutit, aningaasartuutit matussusiinerit il.il." 16.226.000 kr.-iusut aamma "Ujarlernissamut pisussaaffinnik naammassineqanngitsunit tiguneqartut" 1.042.000 kr.-iusut katinnerisigut "2013-imit Kalaallit Nunaanni aatsitassarsiornerni isertitat"-mi qupperneq 7-imi allattukkani nassaareqqinneqarsinnaapput. 2014-imi aatsitassanit isertitat pillugit naalagaaffimmut naatsorsuutit 2015-imi septembartip qiteqqunnerani tamanut saqqummiunneqarnissat naatsorsuutaavoq.

Aningaasartuutit:

AIS 2014 pillugu Aningaasaqarnermut Ataatsimiititaliamut 2013-imi akissuteqarnermi siunnersortit oqartussaasut suliarinninneranni amerlanertigut atorneqartartut arlallit taaneqartut, tamakkulu akuersissutitut ataasiakkaanut aningaasartuutaasartut. Allattorsimaffik uani taaneqassanngilaq. Siunnersortit taakkununga aningaasartuutit utertitsisarnerit konto pingaarnermi aningaasartuutaanerpaapput. Tullinnguullutik aningaasartuutaasartut tassaapput oqartussaasut suliarinninneranni Aatsitassanut Oqartussaasut aningaasartuutisartagaat.

"2013-imut Kalaallit Nunaanni aatsitassarsiornerni isertitat"-mi qupperneq 7-imi allanneqartuni takuneqarsinnaavoq oqartussaasut suliarinninneranni piffissamik atuinerimi 4.851.000 kr.-inik utertitsisoqarsimasoq, avataaneersunillu atuinerit allat (siunnersortinik ikiorteqarneq) 5.508.000 kr.-inik aningaasartuutaasimallutik, katillugit 10.359.000 kr.-nit.

Isertitanut aningaasartuutinullu naatsorsuutit assingusut 2010, 2011, 2012 aamma 2013-imut naatsorsuutini nassaarineqarsinnaapput, tamakkulu siusinnerusuklut Aningaasaqarnermut Ataatsimiititaliamut nassiunneqarsimapput.

Malugeqquneqarpoq "Suliassanut kisitsisit" R2013-imi taaneqartut kisitsisaa-gallarsimammata, tassa 2013-imut naatsorsuutit 2014-imi septembartip naalernerani Deloittemit inaarutaasumik suliarneqarlutillu misissorneqarsimammata, taamaammallu missingersuutinut ilassutit suliarineqarneranni ilisimaneqarsimanatik.

Isertitat aningaasartuutillu siunissami qanoq agguataarneqassanersut siumut oqaatigiuminaatsorujussuuvoq. soorlu tamanna Aningaasaqarnermut Ataatsimiititaliamut akissuteqarnermi taaneqareersoq. 2013-imi Aningaasaqarnermut Ataatsimiititaliamut akissuteqarnermi erseqqissarneqarpoq:

"Isertitanut aningaasartuutinullu tunngasunik suliata pillugit kisitsisit naatsorsuutigineqartut missingiutaapput siunissami aatsitassanut tunngasuni suliassanut missingersuutinut ilanngussap sananeqarnerata nalaani aallaaveqarluni.

2014-imi ukiunullu missingersuusiorfigineqartunut aningaasartuutinut isertitassanullu annerusumik immikkoortiterneqarnissaat Naalakkersuisunit piviusoq aallaavigalugu aqunnissaannut sunnernissaannulluunniit periarfissaqarfigiunannngilaat. Taamaammata Naalakkersuisut isumaqarput siunissami isertitaajumaartussat aningaasartuutaajumaartussallu pillugit annerusumik nassuiarnissaat siunertaqanngitsoq."

Naak qulaanituulli oqartoqaraluartoq 2015-imi agguataarisoqarnissaa imatut missingerneqarsinnaavoq (1.000 kr.-inngorlugit):

Akiliutit, akitsuutit, aningaasartuutinik matussusiinerit il.il. 11.000
Ujarlernerimi pisussaaffiusunik naammassineqanngitsunit tigusat 1.000
Isertitat katillugit 12.000 kr.

Akunnernut nammineq atukkanut aningaasartuutissatut naatsorsuutigisat (oqartussaasut suliarinninnerat) 5.000

Aningaasartuutit avataaneersut allat 6.000

Aningaasartuutit katillugit 11.000 kr.

Kinguartitsinerit (ilangaaseereerluni) 1.000

Naalackersuisut aammaarlutik oqaatigeqqissavaat isertitat aningaasartuutillu agguartaarnerat allangortitsiviusinnaammat, tassa 2015-imi aatsitassarsiornerup iluani qanoq sammisaqartiginissaq apeqqutaammat, taamaalineranilu nunarsuarmi aningaasaqarnerup ataatsimut ineriartornissaa, pingaartumillu nunani tamalaani aatsitassarsiornikkut suliffissuaqarneq apeqqutaasussaammata. Naggasiutigalugu erseqqissarneqassaaq oqartussaasut suliarinninneranni piffissamik atuinermi utertitsinermut tunngatillugu 5 mio. kr.-inik aningaasalissutaasuni Aatsitassarsiortoqarnrerani Avatangiisinut Aqutsisoqarfimmi, Inuussutisarsiornermut, Suliffeqarnermut Niuernernullu Naalackersuisoqarfimmi sulisut aatsitassarsiornermut atatillugu inuiaqatigiit aningaasarsiornerannik suliaqartut aamma ilaqarmata.

13.4 Konto pingarneq 66.01.06 Ikummatissanut tunngatillugu ilisimatusaatissatut ineriartortitassatullu suliniutit

Ingerlatsinermut aningaasaliissut pineqarmat missingersuusiornermut malittarisassaq 2008-meersoq naapertorlugu suliasami kisitsisit attuumassuteqartut suliarineqassapput. Allanguutissatut siunnersuuteqarnissaq naatsorsuutigineqarpoq. Allanguutissatut siunnersuutissaq qilanaarineqarpoq.

Akissut: Ikummatissaqarnermut tunngatillugu ingerlatseqatigiiffiit ujarlernisamat atuinissamullu akuersissutinik tunineqartut ujarlernermi ineriartortitsinermilu pilersaarutitut aningaasartuuteqarnissamik pisussaaffeqarput, tamakkulu namminneerlutik suliarisussaavaat. Pisussaaffiit annertussusaat akuerissutinut piusmasaqaatini ataasiakkaani takuneqarsinnaapput. Aningaasat tamakku piffissaliussap siulliup ingerlanerani ukiuni 4-5-ini sivilsussuseqakkajuttuni ator-neqassapput. Piffissaliussaq siulleq sivitsorneqassappat ilisimatusarnernut ineriartortitsinernullu pilersaarutitut allanut aningaasalersuinissamat pi-umasaqartoqarsinnaavoq. Ukiut ataasiakkaat agguataarneqarnissaat suli aalajangerneqanngilaq, taamaammallu ukiut ataasiakkaat akornanni malunnartumik nikingasoqarnissaa illimagineqarsinnaalluni. Ataaserli aalajangiusimaneqarpoq, tassalu aningaasat tamarmiusut piffissaliussap siulliup iluani akilernerqartussaa-nerat. Tamatumalu kingunerisussaavaattaq akuersissut piffissaliussap siulliup qaangiutereerneratigut utertinneqassappat, sulilu pilersaarummut aningaasanik ator-tussanngortitsisoqarsimanani, taava utertitsinissaq akuersissutigineqarsinna-assappat aningaasat taakku pilersaarutit aningaasalersornissaannut siusinaar-tumik akilernerqarsimassapput. Konto pingarneq tamannarpiaq pillugu pilersinneqarnikuuvuq, tassami ingerlatseqatigiiffiit ilaat pilersaarutit ukiuni arlalini-

ni ingerlanneqartussat pineqaraluartulluunniit pilersaarutitut aningaasat ator-
neqartussat tamakkerlugit akilerusullugit kissateqartarmata. Ingerlatseqatigiif-
fiit periarfissamik qanoq atuerusutsiginissaat erseqqissumik oqaatigineqarasin-
naanngilaq, massakkulli tamanna periarfissinneqarpoq.

Qulaani taanqartut aallaavigalugit ukiuni aggersuni atotussanngortitsinissanut
akiliutigineqartussanut akiliinissanut, tunniussinissanut nuussinissallu suliassa-
nut kisitsisit nalorninarqartorujussuussapput. Akuersissutitut nutaanerpaanut
tunnqatillugu ingerlatseqatigiiffiit assersuutigalugu amerlanertigut ukiut talli-
mat ingerlaneranni 4- 6 mio. US\$-inik akiliuteqarnissamik pisussaaffeqarput,
tamakkulu pilersaarutitut Aatsitassanut Oqartussaasunit toqqarneqartunut ator-
neqartarput. Tamatumani pilersaarutitut assersuutigalugu imaani miluumasunut,
avatangiisinut, sikumut, uuliakoornernut aamma inuiaqatigiit aningaasarsior-
nerannut tunnqassuteqartut pineqarput. Aammattaaq tassaasinnaapput ilinniar-
titaanernut suliniutinut, nunap sananeqaataanut paasissutissanik toqqorsivimmik
pilersitsinissamut, upalungaarsimanissamut il.il.tapiissutitut aqqutigalugit pigin-
naasanik qaffasaanissamut pilersaarutitut.

Taamaammat suliassanut naatsorsuutigisatut kisitsisit erseqqissarneqanngillat,
taakkorpiaammi nalorninarqartorujussuupput, siunissamullu oqaatigineqare-
ersinnaanatik. Siuumoortumik akiliuteqartoqassanngippat, tassa ingerlaavar-
tumik aningaasartuutitut kisimik utertinneqarlutik, piffissaliussarlu siulleq sioq-
qullugu akuersissutinik tunniussisoqarnani, taava agguaqatigiissillugu ukiumoo-
rtumik 8 - 10 mio. kr.-nit missaannik isertitsisoqarlunilu aningaasartuuteqartar-
nissaq ilimanarpoq, tamannali ukiumiit ukiumut allanngorarsinnaavoq.

Missingersuusiortarnermut malittarisassani 2008-meersuni suliassanut kisitsisit
pillugit imatut allassimasoqarpoq:

"Missingersuutinut ilanngussat suliassanut kisitsisinik qitiusunik imaqartaria-
qarput. Suliassanut kisitsisini nalinginnaasumik suliassat siusinnerusukkut an-
ingaasaliissutaasimasut aallaavigalugit uuttorneqarsinnaasut oqaatiginiar-
neqartarput, ukiumullu aningaasanut inatsiseqarfiusumut tunisas-
siortoqarsinnaanera anguniarlugu aningaasaliissutinik qinnuteqarfiusunut.
Kisitsisit aningaasaliissutaasuni pingaarnertut tunniussaasariaqarput, soorlu
atuartut qassiuneritut, ullunut uninngassiusunut, aningaasanik tunineqartut
amerlassusaannut, sullitat amerlassusaannut."

Konto pingaarnemi 66.01.06-imi suliassanut immikkut ittumut aningaasaliis-
sutinik qinnuteqartoqarnera pineqanngimmat Naalakkersuisut isumaqanngillat
suliassanut kisitsisit erseqqissarneqassasut. Tamanna pisariaqanngilaq an-
ingaasaliissutitut 0 kr.-nit pineqartillugit. Konto pingarneq naatsorsuusiornikkut

teknikkut pissutaasut pissutigalugit pilersinneqarnikuvoq. Matumani konto pingaarneq aqutigalugu uuliasortut aningaasanik sioqutsillutik akiliuteqarsinnaanerisa periarfissinnissaata qulakkeerneqarnissaa siunertarineqarpoq, taakkumi ilisimatusarnermut ineriartortitsinermullu pilersaarutit aningaasalersornissaannut aningaasanik atuinissamik pisussaaffilerneqarsimamata. Taamaalilluni tamatumani pilersaarutit artskonto 7110 (interimskontoen) atorlugu nalunaarsorneqartut pineqarput, tamatumani aningaasartuutit utertinniarneqarnerat pineqarsimappat, imaluunniit artskonto 9118 (pilersaarutit avataanit akilerneqartut), aningaasartuutit aatsaat kingusinnerusukku utertinniarneqarsimappata. Taakkunani ilanngaaseereerluni nunatta karsianut sunniutaa-sussaq 0 kr-iuvoq.

Taamaammat suliassanut kisitsinik ilannguffiusumik allannguutissatut siunnersuummik nassiussisoqarniangilaq, tassami "suliassanut qitiusumik kisitsisit" aningaasaliissutinut "pingaarnertut tunniussassat"-ut isikkullit pineqanngim-mata.

13.5 Konto pingaarneq 67.01.01 Aatsitassanut Ikummatissanullu Naalakker-suisoqarfik aamma 67.01.02 Geologimut immikkoortortaarfik

- a) *Pinnerasaasiortarnermut susassaqaarfik Kalaallit Nunaannut niuerfittut nutaajuinnangilaq, kisiannili aamma niuerfittut immikkuullaarissutut isigineqarluni. Pinnerasaasiortarnermut susassaqaarfik tungaatigut suliatigut ilisimasalimmik suliniuteqarnissaq, tassungalu ilanngullugu pinneraasiortarnermut susassaqaarfik Kalaallit Nunaat akileraarutit akiliutigineqartullu aqutigalugit isertitaqarluarsinnaammat, tamannalu aqutigalugu pinneraasiortarnermut susassaqaarfik inuiaqatigiit aningaasaqarnerannut ajunngitsumik iluaqutaalernissaa qulakkeerneqassammat.*

Akissut: Pinnerasaasiortarnermut susassaqaarfik Kalaallit Nunaannut niuerfittut nutaajuinnangilaq, kisiannili aamma niuerfittut immikkuullaarissutut isigineqarluni. Pinnerasaasiortarnermut susassaqaarfik tungaatigut suliatigut ilisimasalimmik suliniuteqarnissaq, tassungalu ilanngullugu pinneraasiortarnermut susassaqaarfik Kalaallit Nunaat akileraarutit akiliutigineqartullu aqutigalugit isertitaqarluarsinnaammat, tamannalu aqutigalugu pinneraasiortarnermut susassaqaarfik inuiaqatigiit aningaasaqarnerannut ajunngitsumik iluaqutaalernissaa qulakkeerneqassammat.

True North Gems Greenland A/S-ip atuinissamut akuersissutaa oqartussaasut nutaanik suliassaqaalernissaannik kiisalu sulissanik pioreersunik allilerinissamik kinguneqarpoq. Taamatuttaaq rubininik safirinillu atuinissamut aatsitassarsior-nissanut annikitsunut akuersissutinik tunniussisoqarsimavoq, taakkulu aqutigalugit oqartussaasut suliassaata tamakkoqqissaat suliarineqartussanngussallutik, naak annikinnerugaluartut. Aatsitassarsiomissanut annikinnerusunut akuersis-sutit 2013-imi 12-iusimallutik 2014-imi 30-inngorlutik malunnartumik amerleriarput, taakkunanngalu amerlaqisut rubininik safirinillu atuinissamut immikku5 sammitinneqarlutik. Taamatut ingerlatsisoqarnera kalaallit rubini-

utaasa safiriutaasalu siulliit niuerfinni nioqquigineqalernerat peqatigalugu ingerlaannassasoq naatsorsuutaavoq.

Tamanna immikkoortortamik pinnerasaasiornermik sammisaqartumik, pinner-
saatinillu nalituunik qitiutitsisumik pilersitsisoqarnissaanik pisariaqalersitsivoq,
(soorlu diamantit, rubinit, safirit, smaragdit, chrysoberylit aamma opalit).
Siullermik rubinit safirillu (korund) pingaarnertinneqassapput, kisiannili Ka-
laallit Nunaanni diamantinik akoqanngitsunik paaasoqalissagaluarpat Kimberly
Processen naaportorlugu tamakku uppersarsarneqarnissaannut nakkutigi-
neqarnissaannullu sulineq pinnerasaasiortarnermut immikkoortortami inissisi-
massaaq. Taamatuttaaq pinnerasaasiortarnermut annikitsunut susasaqarfimmuut
immikkut sulineqarnerit amerlanersaat pinnerasaasiortarnermut immikkoortor-
tamut attuumassuteqassapput.

Pinnerasaatit naleqarluartut nalingat nalileeriaatsit arlallit atorlugit aalajan-
gerneqartarpoq, tamatumani ilaatigut oqimaassuseq, ersarissuseq, qanoq qal-
ipaateqarneq aammalu ujaq silineqarsimappat silinerata pitsaassusaa aalajan-
giisuusarput. Rubinit safirillu attorneqanngitsut silisallu nalilerniarnerat dia-
mantiniit naleruminaannerupput.

Tamatumunnga ilaatigut pis-
sutaavoq rubininut safirinullu nunarsuaq tamakkerlugu aalajangersimasumik
akeqatitsisoqanngimmat, pingaartumillu rubininut safirinullu Kalaallit Nunaan-
neersunut, tamakkumi niuerfinni suli ilisimaneqalersimannngimmata. Rubininut
safirinullu oqimaatigiinnut akigitinneqartoq procentinik tuusintilikkaanik ar-
lalinnik nikingasinnaavoq, aammalu akigitinneqartut kalaallit rubiniutaannik
safiriutaannillu ilisimasaqarnerulemeq ilutigalugu allannngornissaat naatsor-
suutigisariaqarpoq, ilaatigut pilerisaarisarnerit kingunerisaannik.

Ukiuni siullerni siunnersortinik avataaneersunik ikiorteqarluni ujaqqat nalingin-
ik aalajangersaasarnissaq pingaaruteqassaqaq, taamaalineranimi Kalaallit
Nunaanni ilisimasaqarneq suli inerivissimanaviannngimmat. Nalilinnik aalajan-
giisarnissanut, kalaallinillu gemmologinik siunissami nalilinnik aalajangiisar-
nissamut akisussaaffimmik tiguisussanik ilinniartitsinissamut siunnersortinik
avataaneersunik atuisarneq nakkutilliinerit allat ilanngullugit aningaasaliinertut
isigisariaqarput. tamannalu pisariaqarpoq eqqortumik nalilinnik aalajangiisar-
nissami, taamaaliornikkullu Kalaallit Nunaat akileraarutit akiliutigineqartullu
aqqutigalugit nammineerluni isertitassaminik qulakkeerinnittussaammat.

Kalaallit rubiniutaannik safiriutaannillu nalinut aalajangiisarnermut nalornis-
soqartarnera ingerlatseqatigiiffiit akileraarutinut ingerlatseqatigiiffinnut akiler-
aarut aqqutigalugu akiliuteqarnermikkut Kalaallit Nunaannut nammineerlutik
isertitanut missingiinerat ukiut qulingiluat paaanerup nalaani DKK 90 mio. kr.-

iniit DDK 453 mio. kr.-inut allanngorarpoq.^[1] Ingerlatseqatigiiffik 25. februar 2015-imi akilersinnaanerisunik misissuinermik nutartikkamik saqqummiivoq, tassanilu kaaviaartitassatut ilimagisat USD 573 mio.-inut aamma akileraarutitigut isertitassat USD 170 mio.-inut naatsorsorneqarput(Aatsitassanut Oqartussaasuniit "Total Pre-tax cash flow from operations"-ip aamma "Total Post tax cash flow"-ip akomanniittut naatsorsorlugu). Kaaviiartitat akileraarutitigullu isertitat naatsorsornerat Aatsitassanut Oqartussaasut naatsorsuinerit suli misissorluassallugit periarfissaqarfigisimangimmagit nalorninartoqarput.

Pinnersaatilik naleqarluartunik paaanissaq aatsitassanut allanut sanilliullugu suli unammilligassaqarpoq, tassami ujaqqat tamakku naleqarluarnermik tillinginniarfigineqarnissaat isertortumillu annissuunneqarnissaat ulorianaateqarmat. Ujaqqat siullermik qaartinneranniit tammartoqarnissaa ilimanartorujussuuvog, taamaammallu piffinni ataasiakkaani systemimik ujarlersinnaasumik isuman-naatsumillu peqarnissaq pisariaqartinneqarpoq.

Kalaallit Nunaata pinnersaatit nalertuut tunisassiarineqarnerisigut akileraarutitigut akiliutillu aqputigalugit isertitassaasa annerpaaffissaat anguniarlugu pinnersaasioortarnermut immikkoortorta q akisussaaffianut ilaasariaqassaaq tuniniaasarnerup nakkutigilluarneqarnissaa, tuniniaariaatsinullu piumasaqaateqassasoq kiisalu pinnersaatit attorneqanngitsut silisallu tuniniarneqartarnerannut ataatsimut piumasaqartoqassasoq.

Pinnersaatiliornermut Immikkoortorta q naalakkersuisoqarfiit akimorlugit suleqatigiissitanik pilerlugu, inunnillu 15-it missaannik inuttalerlugu ataqatigiissarneqassaaq. Pinnersaasioortarnermut Immikkoortortami pingaarnertut Grønlands Vurderings Gruppe (GVG) inissisimassaaq, taassumalu korundip nalilertarnissaa pingaarnertut suliassarissavaa.

Nalilinnik aalajangiisarneq nalilinnik eqqortumik akileraarusersuisarnissap qulakkeerneqarnissaata saniatigut kalaallit oqartussaasuinut nakkutilliiffiusaaq.

Pinnersaasioortarnermut Immikkoortortamut aningaasaleeqqinnermi aningaasartuutit ataatsimut sulianik suliarinninnermut atorneqartussanut matussusiissapput, taakkulu ingerlatseqatigiiffimmut ingerlateqqinneqartussaangilat, tassunga ilaalluni siunnersortinik avataaneersunik atuinikkut il.il. ataatsimut qaffassaanerit. Suliassaqarfiit pingaarnertut oqartussaasut suliannut pioreersunut sanilliullugit sulisunik amerlanernik pisariaqartitsisut pingaarnermik tassaapput:

- Pinnersaatissanik immikkoortiterineq, pinnersaatillu suunerinik immikkoortiterineq (pingaartumik korund)
- Pinnersaatissat nalingannik naliliineq (pingaartumik korund)

- Piaaffimmiit tuniniaanissap tungaanut tammartoqannginnissaanut sillimaniameq
- Piiaanermiit tuniniaanerup tungaanut pinnersaatissanik sumiiffissisinaaneq
- Aningaasarsiornikkut misissueqqissaarnerit nakkutiginninnerillu, taakkununga ilanngullugit tuniniaanermi akigitinneqartunik nunani tamaalaani misissueqqissaarnerit
- Akitsortereriaatsinik misissueqqissaarnerit
- Akileraarutininik akiliutigineqartunillu aalajangersaanagerit
- Kalaallit pinnersaasiaannut uppersaasarsuiarnissamut sulineq piviusunngortitsinerilu
- Kimberley Processenimut atasunik suliassanik isumaginninneq (uppersaasarsuisarneq nakkutiginninnerlu)
- Pinnersaatissanik isertorluni annissuisarnerup annerusumik isiginiaarneqarnera

Suliassaqarfimmut qulaani taaneqartunut ilassutitut pinnersaasiortarnermut immikkoortortaq aamma pinnersaasiortarnermut susassaqarfimmut ilaasumik suliassanik allanik suliaqartassaaq

- Pinnersaasiortarnermut susassaqarfimmi ataatsimut periusissanik suliniutissanillu ataqatigiissaarisarneq
- Akuersissutini akuersissutigineqartunillu suliaqartarneq (§16, §§19,43 aamma §86)
- Ingerlatseqatigiiffiit aamma annikitsumik aatsitassarsiortut nalunaarusiaannut oqaaseqaateqarneq, nakkutiginninneq malitseqatitsinerlu
- Pinnersaasiortarnerup iluani ingerlatseqatigiiffinnik annikitsumillu aatsitassarsiortarnerup piginnittunik ataatsimiinnerit oqaloqateqarnerillu
- Tuniniaanermi sillimanianermullu atortunik akuersissuteqatarneq nalilersuisarnerlu
- Nioqquteqarfigineqartut attuumassuteqartut akuerineqarneri kiisalu nioqquteqarfigineqartunut attuumassuteqartunut tuniniaanermi akigitinneqartunik nalilersuisarneq
- Assarrtuisinnaanermut avammullu nioqquteqarsinnaanermut akuersissutinik tunniussisarneq
- Akileraartarnermut Aqutsisoqarfik suleqatigalugu akiliutigineqartunut nalunaaruteqartarnerup naligiissaarineq
- Inummut akileraarutininik piginnittumiit avammullu nioqquteqartumiit sutigut tamatigut nalunaaruteqatarneq
- Sillimmasiinerup pappiaqqanik nakkutiginninneq akuersissuteqartarnerlu

- Pinnerstaatit piiiiffimmik nakkutiginninneq
- Pinnerstaatissanik arsaarinnissutaasunik suliaqartarneq (politiit suliaat)
- Qanoq pinnerasaasiassanik peqartigisinnaaneranut nunap sananeqaataa aqutugalugu misissuinerit
- Ilisimatusarfinnik nunap sananeqaataa pillugu suleqateqarluni piler-saarutit ataqatigiissaarinet peqataanerlu
- Pinnerstaatissanik peqartoqarneranut sulisussanik missingineq, nakkutiginninneq nalunaarusiortarnerlu
- Kalaallit pinnerasaasiannik pilerisaarinet (ilisimatusarnikkut allaatigisanik saqqummersitsisarinet, niuernermik pilerisaariffinni peqataanet il.il.)
- Annikitsumik aatsitassarsiorfinnik ingerlatsinerimut suliniutinik piviusunngortitsinet
- Annikitsumik aatsitassarsiorfiusunut nunaminertanik immikkoortinneqarsimasunut sumiiffissinet tunniussaqaarnerillu
- Pinnerasaasiortarnerimut susassaqaarfiup iluanik pikkorissartitsisartunut ingerlaavartumik oqaloqateqartarneq ilitersuinerlu
- Pinnerasaasiortarneq pillugu isumasioqatigiissitsinermik, workshopertitsinermik, oqalugiartitsinermik il.il. pilersaarusiormerit ingerlatsinerillu
- Annikitsumik aatsitassarsiornerimut akuersissutinik pigisaqartunut siunnersuinet ikiuinerlu
- Pinnerstaatit ilanngaaserisunik ilinniartitsinerit
- Innuttaasut saaffiginnissutaannut akissuteqaarnerit (pinnerstaatit suunerinik aalajangiisarinet ilanngullugu)
- Nalunaarutit ilitersuutinillu suliaqartarnerit
- Atortutit paasisutissiissutinik suliaqartarneq
- Pinnerasaasiortarnerimut susassaqaarfiup ineriartorfiunissaanut nassuiaatinik nalunaarusianillu suliaqartarneq
- Nalunaarusiornerit assigiinngitsut (ilisimatitsissutit, ukiumoortumik nalunaarusiat, § 37 naapertorlugu apeqqutit, nakkutilliinermi allagaatit il.il.)
- Pinnerasaasiortarnerimut susassaqaarfiup iluani suliffeqaarfiup iluani suleriaatinik suliaqartarneq

Konto pingaarnet 67.01.01 Aatsitassanut Ikummatissanullu Naalakkere-suisoqarfik-mi aningaasat sulisunut oqartussaasut suliarinninneranni atorneqareersunut sanilliugu atorneqareersunut atorneqassapput, tamatumunngalu pissutaavoq pinnerstaatissanik nalituunik piiannissamut atasumik nakkutiginninnissamut piimasagaatit nutaat annertuullu. Aammattaaq aningaasat ilarparujussui siunnersortit atuinissami pisinissamut atorneqartussaapput, tamannalu pingaartumik aallartisarnermi pisariaqartinneqar-

tussaavoq. AIS2015-imi 2015-imi tkr 1.794-nit, 2016-imi tkr2.079-nit 2017-imiillu ukiumut tkr 1.267-nit immikkoortinneqarsimapput.

Konto pingaarneq 67.01.01 Geologiimjut Immikkoortortaarfik-mi aningaasat oqartussaasut suliarinninnerannut pioreersumut sanilliullugu sulisuusanut immikkut pisariaqartinneqartunut atorineqassapput, tamatumunngalu pinnersaatiniq nalituunik piiaanissamut atatillugu suliaasat nutaat anner-tuullu pissutaapput, taakkununngalu pingaartumik tuniniaanissaq sioq-qullugu pinnersaatissat suussuserniartarnerat nalinganillu aalajangiisarnert. Aammattaaq aningaasat ilaat sulisunik qaffasaanissamut atorineqassapput, taamaaliornikkut siunnersortiniq pisisarneq pisariaarukkiartulissammat, ator-tunik gemmotologit atortagaannik pisisarneq pisariaarukkiartulissammat, tamakkuninnga atuiner-mi pinnersaatissamik aalajangiiniarneq naliliisarnertu pismata. AIS2015-imi 2015-imi tkr1.498-nit 2016-imiillu ukiumoortumik tkr.599-nit immikkoortinneqarsimapput.

Oqaatigineqassaaq inummut akileraarut aqputigalugu kiisalu ingerlatseqatigiif-finnut akileraarut akiliutillu aqputigalugit aatsitassanut aningaasaateqarfimm-ut isertitsitsisoqarnissaa ilimagineqarmat, taamaalineranilu pinnersaasiornermut immikkoortortapmut ukiumoortumik aningaasartuutaasut malunnartumik qaang-germissaat ilimanarluni.

b) *Geosurvey Greenlandimik pilersitsinissaq aningaasanik pissuteqartumik piffissami killiligaanngitsumi maanna kinguartinneqarmat GEUS-imik suleqatigiinnissamut nutaamik isumaqatigiissuteqarnissaq pisariaqassa-va aammalu suleqatigiinnissamik isumaqatigiissummi iluarsisamik taamaattumik atsiorneq nunatta karsianut aningaasartuuteqaataassa-va?*

Akissut: Kalaallit Nunaanni Namminersorlutik Oqartussat GEUS-imik su-leqatigiinnissamik isumaqatigiissuteqareerput, taannalu 2014-imi novembarimi atsiorneqarpoq, ukiunilu tuliuttuni tallimani atuuttussaalluni. GEUS-imik in-gerlaavartumik suleqateqarnerput ingerlatiinnassallugu allamik isumaqatigiissu-siortoqarnissaa piumasarineqanngilaq. Suleqatigiinnissamik isumaqatigiis-sutaasup taassuma iluani GEUS Kalaallit Nunaanni pilersaarutinut 35 mio. kr.-inik sulit atuisartussaavoq, Geologiimullu Immikkoortortaarfik Kalaallit Nuna-anni pilersaarutinut 12 mio. kr.-inik kiisalu GEUS-imit siunnersorteqarnermut tapersersorteqarnermullu 3,6 mio. kr.-inik immikkoortitsisimavoq.

Piffissaq ungasippallaanngitsoq qaangiutsinnagu Namminersorlutik Oqartussa-nut iluarnerpaajussaaq Geosurbey Greenland pilersikkaannni, tamannami aqputigalugu:

- (a) Kalaallit Nunaanni nunap sananeqataanik misissuilluni sulinermi GEUS-imut akiliuteqartarnermiit akikinnerussammat
- (b) nunap sananeqaataanik ilisimatuussutsikkut paasissutissanut ajunnginnerusumik paasisaqarlunilu nakkutiginnittoqarsinnaammat Kalaallit Nunaanni ujarlernermi aatsitassarsiormermilu iluaqutaasinnaasumik,
- (c) najukkani piginnaasat ilisimasallu ineriartortissinnaassammata,
- (d) Kalaallit Nunaannut aningaasanik ilisimatusarnikkut atugassanik, kalaallillu aningaasaqarnerannut iluaqutaasussanik toqqaannertumik pissarsiniartarnissaq,
- (e) ilisimatuut nunanit allaneersut aatsitassarsiorfiillu pilersaarutip aallartin-neraniilli Kalaallit Nunaannut tikeraarsinnaanerit sulilernissaallu pilersaarutigalugit, ingerlatseqatigiiffiit tamakku Kalaallit Nunaannut ilisimatusarnernikkut ujarlernikkullu soqutiginaruuneranut paasisaqarnissartik pillugu Danmark akunniffigisarmassummi.

Med venlig hilsen
Inussiarnersumik inuulluaqqusillunga

1>Andreas René Uldum